

盤洲文集

十一

外制三

晁公武權戶部侍郎制

君子言必可行寧為一切之弊洪範食以為首孰明
 八政之源時有通儒長於心計詳其說則若折枝之
 甚易試以事則豈刻楮而無成往諧地官式蔽朕志
 具官某學潛墳素材挺梗柎論思殫造膝之忠寒謬
 得匪躬之故網紀正于轂下摺紳畏其筆端自四鄙
 之多虞或一日而再召充物憂時之略科條足國之
 方論及理財蓋纏纏而可聽使之治賦會綽綽而有
 餘與其專憲府而寄以抨彈孰若貳版曹而究其績
 用儻以責人而責已斯能為上而為民即問錢穀幾
 何可與貫朽粟陳之効亦有仁義而已當無頭會箕
 歛之非用觀躋摹以聳輿望

王剛中禮部尚書兼給事中直學士院制

咨四岳能典朕禮孰為稽古之儒俾萬姓咸大王言
 必賴綴文之傑仍居批敕之地斯極垂紳之榮具官
 某材冠倫魁詞工體要西掖妙清泉之思坤維馳制
 聞之聲論道下惟記甘盤之舊學因師獲印邁仲進
 之前塵召對昕朝超登內職臨文問諱懼奸祖廟之



名辭尊居卑退就北門之直昇宗伯討論之事兼夕
郎糾駁之權稽首而遜憂龍首光帝典掛髀而思頗
收今在禁林悉展賢謨用裨國論

周葵資政殿學士提舉臨安府洞霄宮制

執政其猶股肱所藉弼諧之助大臣斯有體貌況無
纖介之嫌惟時碩儒厭參萬務庸出均休之命俾聞
知足之風具官某躬上賢之姿究先聖之壺青天白
日人爭睹其清明北斗泰山士咸高其景行見謂居
今而行古未嘗枉尺而直尋屢入脩門晚騰夷路間
兩社而為輔久穆丕機有一言以興邦每陳正道粵

自置垂之警浸勤夙夜之憂秣馬治兵揆漢室備胡
之策豐財積粟講荀卿富國之篇正賴同寅用圖再
造儵爾易退確乎弗移乃隆祕殿之班仍賜直祠之
祿終始惟一自身名俱榮噫富貴而歸故鄉自守冰霜
之操謀猷則告爾右尚母金玉其音往企前英益迪
華問

鄧王夫人錢氏廣國夫人制

朕以乾德始郊避新陽之近晦永熙故事改嗣歲之
上辛適值湯虞用循祖武雖蕃釐之未受顧慶澤之
難稽錢氏德邁前塵行光內則服禮義之訓飛周篇

魯冊之華生忠孝之家參宋子齊姜之盛儷我家嗣
驩于兩宮茲推泰時之恩載裂番禺之壤彤管有煒
既婦道之可書翟芾以朝在皇儀而其美其隆闈範
以耀綸章

慶王夫人韋氏華國夫人制

朕初修郊類以戒先庚之期會有寒氛遂移建巳之
月廼歛泰元之福預推大眚之恩爰舉邦彝式光子
舍韋氏儀度嫻雅性資惠和誦周召之聲詩閨風夙
講鍾姜任之餘慶戚畹道推惟踐履於女圖故章明
於婦順昨之成國易彼舊封佩箴悅而問雞鳴益隆
孝道如山河而宜象服克稱德容豔此華章昭于彤
史

五月二十二

三

古

恭王夫人李氏定國夫人制

朕將燔郊燎偶豔邊烽仰憲先猷嘗講上辛之下參
稽古訓遂改長羸之初雖未逆於神釐爰預行於邦
渙李氏珩璜中節紛悅合儀出英衛之門聽姆教而
婉婉歸間平之邸成婦道之肅雍嬪嬙譽且淑聲娣
妙知其端操茲從封於望國猶拜况於泰壇象服是
宜庸侈笄珈之美彤管有煒浸颺竹帛之芬往荷華
章益綏乘履

張宋卿祕書郎鄭外之正字制

往者大減元貞雖瀛洲學士亦損其泰半茲有之材
之歎而議者歸咎儲蓄之不廣也閏月甲寅制書始
復祖宗之舊宜有望士褒然充庭爾宋卿五領之英
冠于賢級爾外之三衢之秀經爲人師或別朱紫於
麟臺或事雌黃於蠹簡益思涵養以稱僉期

閩安中國子司業制

古之盛帝投戈而講藝息馬而論道今仍年出車邦
賦不足雖養士有費朕不敢惜蓋長育秀異以備它
日之用也爾神美于西州名高于鼎甲義擲芳冠則

殷登州十三

四

王古

群而不黨掌南宮牋奏則粲然有文訂五禮之制則
是古而不變非強學力行者能如是乎茲用陟之成
均受以師說必能使諸儒樂循理而有士君子之行
也模不模範不範抑無媿焉

王佐直寶文閣知宣州制

雙溪疊嶂在昔名邦北枕大江南連黔歎諸山守土
之寄所不可輕爾以文學冠于俊躔以治行最于左
契久去柱下重入脩門金華談經發明王道攝空民
部會計盡心上躡拜三自請補外大臣多稱其美同
列咸欲其留宛陵之城方謀郡將姑徇所欲寵以奎

其賢嗣擇師友而徒鄰暨榮陟於禁途空永懷於甘
旨茲推慶典用貫幽局尚妥爾靈益昭其後

故妻陳氏令人制

朕初修郊類已戒先庚之期會有邊氛遂移建巳之
月雖神釐之未受豈邦渙之可留某氏毓秀名門嫔
德君子柔則肩于鍾郝淑聲軼于姬姜益虔奉嘗不
克偕老錦韜象軸齊眉萬一見之榮栢冢松阡刻蠶
示九泉之飾庶幾不朽右爾子孫

陳巖尚禮部員外郎制

太上皇帝取祖宗詞學之科新其名更其制始許公

卷之三

十

五云

卿大夫之世與登進士第者角其藝而選之爾褒然
爲任子倡坎塲不振人咸歎焉丹人郎闡處非其地
南宮掌翰僉曰汝宜往脩厥官以陟華近

程宏遠太常博士制

奉常有博士所以議國家之禮定公卿之謚名鬼神
之祠也爾學耕文獲馳譽校官曲臺者峻秀之地往
游其間可不勉哉

王剛中轉朝散大夫制

有司嚴考課之法積四載而應條從臣獲異等之恩
損一年而增秩台堯舜之陟典皆祖宗之茂規具官

某以經綸之學而審是乎義農以雅健之文而朋休
乎燕許丹光禁路即長春官青瑣黃扉所異回天之
力白麻丹詔可期擲地之聲茲誦律以進階匪詣曹
而賡閱雖媿尊賢之道實存厲世之公往服寵榮益
崇聞望

郭振捧日天武四廂都指揮使制

裔夷結難肆凶焰以方張莫府摧堅喜捷音之爲倡
可無褒典用貴中權具官某識貫戎改名高勇爵撫
鳴劍而抵掌以抱壯圖授袍鼓則忘身獨潛忠槩茲
率千廬之衛往屯六合之城會妖祲之結蟠涉長淮
而侵軼惟時瓜土首奏膚公鶴唳風聲已控犬羊之
氣席卷霍奮遂增貔虎之威武表棘門之勳裨冠廂
部之職行期掃蕩嗣有龍光

崔臯正任觀察使制

孽胡入塞方議益兵莫府論功首聞禽敵宜盼褒渥
以寵戰多具官某自負鷙強咸推梟俊陳師鞠旅久
厲節於棘門折馘執俘屢書名於露板茲出千廬之
衛往屯六合之城會妖祲之結蟠涉長淮而侵軼惟
時名將獨奮精忠冒白刃以前驅揮戈矛而鏖鬪果
能陷陣致彼退師已標勇爵之勳特峻廉車之賞益

思報効嗣有恩光

唐闕司封員外郎制

冢卿之屬其司七間者併自司勳故主爵兼兩曹之事用得其材則吏無並緣之姦人無稽滯之歎爾行安節和恬於榮進為郎則未久也躋之前列合乎公言往殫厥心以振其職

知天台縣王琰轉官再任制

天台之民件汝治行願復借留三年守臣考其實以聞吾何愛一官而不徇斯民之請也益思盡力以望卓魯

盛洲三三

九

古

蔣希起居郎制

國家之用人如工師之用材可楹者不可使為楠可椽者不可使為椽人物之英絕類離倫則一日九遷人不議其速錄錄無庸或十年不調人不歎其滯若是則選授公而衆職修矣爾以文藝登平申科以材器久於省戶國人皆曰爾有荀楊之學有屈宋之文當在華近吾方陟爾曲臺實爾詞掖而訓辭猶未出也左螭虛位非爾其誰宜為往欽哉以稱吾超拜之意

張進董江選郡刺史制

能罷之士不二心之臣立斬將艾旗之功則信賞之
行蓋不旋日其有履鋒之勇者徇國之忠次湖之役
涉水力戰執評獲醜咸犇於率書之盟府陟以州旗
益思捐軀用答恩渥

沈介起復權兵部尚書湖北京西制置使制
屬大事而當一面有鈇鉞之可專見素冠之能三年
惟金革則無辟蓋君子知斷恩之義在先王存變禮
之文我求賢臣起之由次某學廣而近用材高而不
群四禁代言得上規姚姒之體三銓以職繼前有馬
裴之稱治行著於吳門威聲聳於蜀道事靡不舉人

莫能欺適茲疆場之虞正講甲兵之問顧荆襄之重
鎮連江漢之上游羽扇綸巾賴周瑜之制勝輕裘緩
帶謀羊祜以折衝奪其陟岷之哀授以防邊之筭用
尊莫府俾長夏官摠光黃溢浦之封是為新制集步
騎舟師之衆咸稟中權寵使範以光前期戎翰之善
後六摠壯略庸釋遠懷

呂廣問敷文閣待制在京宮觀兼侍講制

朕仰希堯舜三代之風樂聞詩書六經之說厥今帝
幙盡虛講讀之員既得耆儒首實咨詢之列具官某
言有壇宇性守宮庭能習是而勝非故闕中而肆外

董狐古之良史嘗立赤墀伯夷汝作秩宗遂闢紫闈
懷章而去趨節復來陟西清以對之班修金華絕出
之業國之治亂與臧否惟前言往行之師學有緝熙
于光明賴博物洽聞之益往祗茂渥益振榮名

莫延葦銀青光祿大夫檢校太子賓客使持

節南丹州諸軍事南丹州刺史兼御史大夫

知南丹州公事武騎尉制

率土之濱莫非王臣靡私涵覆九州之外謂之蕃國
所貴懷來眷惟卉服之英能慕華風之美承祧有慶
錫壤爲榮其浴義浸仁資忠履信心傾葵藿遠輸就

冊卷之二

十一

乙

日之誠世受茲綸不闕梯山之貢既處天倫之長宜
稱海嶠之雄當茲似續之初貴以便蕃之渥躋銀艾
祿臣之秩兼風霜憲府之官擬諸邸之元寮陟勳階
之華品併斯徽數爲我遐藩噫尊君之道無它主乎
恭順撫俗之方有要務在溫慈祗服訓言益綴福嘏

何備權工部侍郎制

朕履位以來勞人是戒苑囿服御無所益敢興土木
之謀技巧工匠精其能獨治甲兵之器以虛起部茲
得勝流具官某智略湊於朕前言語妙於天下人瑞
有鄭仁表久侍左坳古事問高仲舒兼司右掖王郎

賴談經之益中臺分典選之權力陳宰路之有連願
旬它官而遂去顧博延於耆舊方自外來難近舍於
文儒從其遠引惟冬卿之非劇雖姻黨而無嫌茲用
出綸俾之持橐其廣立朝之譽益殫致主之忠

王稽中起居舍人制

左右史分主柱下班列甚清直造榻前謀猷可告言
動資其良筆選用在於端人爾古訓積于中而正論
發于外不憚大吏風采凜然自臺察而陟望郎繇郎
闡而攝記注再盈旬耳即真之命僉曰允哉益思盡
瘁以報知獎

楊似循從事郎制

邊鄙有興勇者當奮其力富者當輸其財而熾庶成
俗體國之風無聞焉爾心不恤緯傾訾助軍增秩出
綸夸彼鄰曲

王宣防禦使制

朕志在勸功不爽出綸之信醲於用賞每懲刑印之
非具官某趨猛知名朴忠著節出奇設伏夙蘊深謀
掩空擊虛屢彰勳績茲分王旅遠戍邊垂扞襄陽之
衝荐聞吉語嚴樊城之備咸奮闔心用陟兵防式光
戎幟益思吞敵以答恩章

任天錫左武大夫遥郡防禦使制

西師出塞咸有戰多莫府上功式稽信賞具官其衆
推勁勇自奮思純執銳披堅又居行陣斬首捕虜能
立勳庸用陟遷陞以陞神勳以圖報効嗣以恩光

陳偉節直祕閣制

朕聘召元老尊彊朝廷優禮殊恩寔循舊典尔大丞
相之家子也一經之訓不墜家聲寓直瀛洲用作過
庭之寵

三二

十三

古

盤洲文集卷第二十一



[Faint bleed-through text from the reverse side of the page, including characters like '天錫', '陳偉', '盤洲', and '文集']

盤洲文集卷第二十二

外制四

制

制

制

制

皇后封贈三代

曾祖吉水簿夏令吉太保制

士有戴仁而行抱義而處其道可以致君其材可以
興事而官不過八品職不過黃綬諸休衍慶在其後
人三葉之孫遂母天下則寵綏先廟不一褒而已也
具官某行修于身名播于外恬於榮進漫仕下僚積
盛德而流光致柔儀之鼎貴愍書其寵已躋亞保之
班郊霈先行庸正三公之冊營魂不昧勿替引之

盤洲文二十一

甲

曾祖母張氏衛國夫人制

國家廣顯親之孝崇告第之澤外庭之宰輔內掖之
妃嬪皆得追榮其三世矧敵體紫宸齊明義羅有哉
某氏懋徽柔之則秉幽靖之儀德配芳圖克恭蘋澗
福流來裔爰正椒塗茲推泰時之恩大開淇奧之壤
祿以象服疊于幽后

祖穀太傅制

朕登建地儀助宣王化內有進賢之志歌周南卷耳
之章外無出闔之言矯漢代長秋之敝推慶源之所
自酌愍冊而可行具官某令德藹乎州閭遠識該乎

今古有撥煩理劇之材而不得其位有愛人利物之志而獨善其身集之慈孫儷乎皇極式衍曾沙之祉孰爲幽安之光出帝傳之卹章寵廟祧之時享尚其歆服益右後昆

祖母孫氏蔡國夫人制

朕稽 二祖之 聖謨變一陽之元祀蓋乾德嘗避於近晦淳化始行於上辛茲邊鄙之有興謀著龜而改卜雖神釐之未受豈邦渙之可留某氏性婉而明教賢以肅四德章于女憲一嫺講其壺蟲婦道顯融罔專鍾郝之美孫枝盛大遂成陰馬之家申刻蜜之

盤州文三十一

二

田民

新封表含飴之積慶其以蔡仲之國用光夏氏之阡

父協太師制

和熹鍾鄧氏之慶不及護羌之存竇后登漢掖之尊已結觀津之恨茲值邊畝之事未行郊時之儀預出恩章敢遺戚畹具官某躬履五常之行氣備四時之和抱材不享於脩年委祉遂綿於後嗣爰有息女以升中宮詠任姒興周之詩監下彤史法春秋褒紀之義祿以師垣精爽如存寵光無斁

母趙氏福國夫人制

孔子叙詩以后妃居三百五篇之首塗山娥嬖姜原

任姒所以助三代之興也今朕得淑哲以隆內治則
母氏之訓可忘乎某氏莊靚疑姿徽柔繕性出自公
族分玉派之餘輝嬪于德人協鳳鳴之吉兆篤生良
女遂履純坤永懷邾下之慈孰尉宮中之念講陽陔
之慶典開長樂之脂田尚其重泉歌此褒祿

張綬潘景珪賈選大理評事制

廷尉平斷天下之獄而負少事叢慮請讞之稽逗也
益者三人庶無曠職爾等聞曾律令秋卿以爲言往
充其官思踵平廷之美

唐仲友祕書省正字制

皇朝卷之三

三

王升

劉晏言天下之文惟朋字未正朕既擢爾父於風霜
之地破黨與之私矣爾弟兄鼎立白眉最良發策玉
堂奏篇甚善宜居中祕讎松群書歸休從容必無異
同之論

王時升權兵部侍郎制

朕招延俊乂列布禁途庶幾獻納論思得厭難折衝
之略咨諏謀度聞安民和衆之言顧武部之闕人稽
僉諧而出命具官某秉中庸之德著朴茂之稱版部
幹旋合研桑之心計輔藩撫字踵龔召之遺風節費
用而府有餘財勤簿領而庭無逋事未奏會稽之最

已勞宣室之思聚天下之兵朕方修於戎政率夏官之屬爾其治於軍防式疇良圖用禪上策無使立朝之譽減於作郡之時

翟貴妃封贈三代

曾祖母俊太子少保制

國家廣追遠之孝崇告第之恩外則三公上及其曾門內則四妃可輩於初室寵光之渥存沒俱榮某翟方進之孫班婕妤之祖雍容某弟之行佩服詩書之言既抱器之甚良乃埋光而不耀慶鍾來葉儀次中闡茲逢郊禋之期先漏泉扃之澤惟春宮之亞保蓋朝路之魏班尚其營魂知此愍冊

卷之二

四

王朴

曾祖母孫氏齊安郡夫人制

朕亦崇已具邊祲是虞稽皇祖之舊章卜長贏之首月預行慶典敢後外姻某氏溫靚呈姿柔明宅志佩悅奉葢蘭之獻錡筥絜蘋藻之著盛德所延後人鼎貴繇八月良家之選冠四星天極之躔茲以顯親之恩得推飾壤之澤祿之象服錫以脂封迺其有知尚克嘉此

祖思成太子少傅制

朕敷求邦媛光贊坤儀夙有淑聲繼樊衛二姬之行

內無私謁非許史三王之家推厥慶源賁之卹冊某
評高月旦節挺歲寒以利物而存心不逢辰而諾仕
宜篤孫枝之祐遂登妃掖之尊茲有蜜章用光先廟
亞于儲傳祕彼泉途想其如存服之無斃

祖母張氏和義郡夫人制

朕初度郊類已戒先庚之期會有塞氛遂移建巳之
月雖神釐之未逆顧邦渙之難稽某氏毓粹名門儼
德君子柔則齊于鍾郝美聲軼于姬姜慶綿再葉之
英位冠四妃之上于沼于泚生能繫於蘋蘩如山如
河沒遂榮於翬翟光靈不昧永庇後人

冊卷之二

五

王朴

父益太子少師制

天官書中宮天極其句四星大者為正妃餘則後宮
之屬也王者求河雎之德卷耳之志者使之宣嬪則
而應乾象於是有漏泉之澤及其三卍之廟顧於顯
考不厚可乎某秉青萍之器挺梗柎之材袖手林泉
不得其位篤生淑女遂亞柔坤以孝敬而事慈闈以
謙約而諧椒屋六寢之間靡人不稱其以官師之冊
襚于幽隴以展其報親之心嗚呼休哉

母劉氏咸寧郡夫人制

聖善之愛其女以圖史之戒絲象箴紉之事諄諄焉

誨之于鄰下既亂又笄矣迺見六人禁掖登元妃光
大門閭豔於戚畹今也服澣濯之衣以六珈副笄歸
而壽其親不亦榮乎某氏其儀莊靚其德懿柔祀其
先盡執遵之敬事其夫得舉按之恭有女甚賢藹然
內範報厥母訓洵出恩章茲裂宜川之疆式開湯沐
之邑門楣之語驗於是矣

吳蓋妻趙氏越國夫人制

朕將燔郊燎偶警嘉隆阻武可遵嘗講上辛之下神
心斯荅宜改長福之期斯未逆於厖禡爰預行於慶
典某氏儀容莊靚德履肅雍母訓少成循八篇列女
之戒壺彝交播為四姓小侯之師蘋藻絜烝嘗之羞
滌滄謹尊章之禮如賓有敬借老則榮茲崇鸞誥之
封益示魚軒之寵越為大國宜爾室家

王逯直祕閣宮觀制

冊府上應東壁之躔吾七略群書充仞棟宇寓其直
則與挾卷拂蟬之士等非繁歲月巧宦游者可得也
爾明經博古嫺于文辭一再超遷駸駸顯列實之郎
位弗安厥居予之郡符勾閑愈方以其嘗入諫坡故
貼以美職遂其歸心蓋吾於言事之臣常委曲其恩
意如此

李若川權刑部侍郎都督府參贊軍事制

朕慕孝宣綜核之政推帝舜好生之心念畫地為牢每虞其輕入故吞舟之網寧失於不經眷求時論之英俾作秋官之貳秉性資聞敏談辯縱橫沛然理劇之材輔以傳家之學以徊翔於外服甫軒翥於近班治賦版曹弗寵天下之貨贊籌督府能寢淮南之謀身雖在於戎亭位不虛於禁禁解嚴可異踐職有期五刑之屬三千在戾康而能脩一歲之獄數萬惟于張而不寃致吾空國之隆賴汝立朝之效

張軍知廣州制

卷之三十一

二

四行

二廣之區五羊最大燕洲蒲潤民有嬉遨之風龍戶馬人政以撫柔為一得此良翰起之叢祠具官其蘊盤錯之材去表襮之飾法家讞獄解密網之秋茶禁路理財厲太倉之紅粟把麾而一歌袴可喜嘉念商服甚遠於朝廷故連帝每艱其印綬儻風移俗易今孚黃木之灣則海宿山行害去綠林之盜往副朕指益殫厥心

陳正同贈四官制

朕禮優法從恩篤臣鄰晚節注節已徇歸田之請一朝易簪采興移壑之嗟爰有郵章告其居第具官某

風槩方整機猷碩膚蚤騰譽於峻峻遂致身於榮路
貳秋卿之禁橐知勝殘去殺之仁承天旨於籌帷有
排難解紛之助把麾而去歌絃甚休忽驚垂盡一言
空軫去土之悼增之四秩飾彼九京沒而有知歎此
無數

潘景直祕閣致仕制

大夫七十而請老古之制也近人耽祿迺鍾鳴漏盡
而不知止吁可歎哉具官某學道洗心聲中其實蚤
入京都垂上華轍晟府典樂祿臣司光皆當時之遴
選退休林壑亦既有年遺榮由等無玷終始中祕之

盤洲卷之十一

田行

直非賢弗居光爾桑榆用迎壽嘏

李璫常仲循資制

爾淪胥異域以厭腥羶積然來歸亦著功效進秩有
命夸組和門益思盡忠用答天濩

僉書樞密院錢端禮封贈三代

曾祖暄秦國公制

錢氏有德於吳越之民上天右之宋興二百年間枝
胄蕃衍重龜襲紫為擢紳望族運籌帷幄祖孫相繼
發祥錫羨厥有自來具官某得傳家之學蘊邁俗之
材入聯禁途分司會之劇職出顯方面暢柔遠之英

規搢紳高其令名史策紀其遺懿惟厥顯考光輔兩
朝迨今三葉復登宥地天之報施可驗不誣大師維
垣已崇愍典四塞之國載錫蕃章是爲有後之光益
篤無窮之祉

祖駙馬都尉景臻大寧郡王制

宋有天下凡將相之子勲貴之家以選而爲副車者
無慮數十百人雖公圭將鉞生極其榮而甲第綺襦
代襲豪侈求其來裔豈爾不群秉樞翊政光于三階
者未之有也具官某永陵之禁鬻異姓王之聞孫
謙畏慈仁白圭無玷享心園之奉而有聲于戚畹傳
金籟之學而善訓其後人宜有孫枝致身兩地世德
之懿瞻前無隣爵秩既尊疊繼泉壤燾以新社隲爲
樂郊尚其如存服我休命

父忱慶國公制

昂霄之木不生於培塿之丘縱壑之魚不出於蹄涔
之水公侯之子孫鍾前人之盛烈受高門之美蔭奮
然有立爲國光輝者所憑厚也具官某夫姬之嗣休
有德名樂善履謙白首不變教忠之訓咸仰義方陟
我幾廷寶爾賢息延登之始飾綬有常表其流光昨
國于慶式增廟祫之寵且慰宗嘗之思

妻高氏和政郡夫人制

劉向採取詩書所載賢妃烈婦與國顯家可法則者
爲烈女傳後之秉直筆者莫不紬彤管之書序鵲巢
之德以足一代之史蓋婦人不出房闈美聞于姻黨
則名達于州閭至於垂之竹帛自微以至著非一朝
一夕之力也某氏桃姿蘭行華閨之英雖有姬姜孰
如賢範必娶高國偶合前言主饋奉嘗肥家盡善輔
佐君子至于掌樞翬翟之封以榮鸞誥岷峨之壤載
啓脂田享其特老之榮益修內助之德

左僕射陳康伯祖居仁越國公制

卷之十一

十一

田行

朕霖雨之思賢佐復正台衡舟楫之濟巨川遂疆國
勢虜帳變發蒙之語邊氓諧咽哺之歡式衍慶源用
覃先廟具官某仁義根于心術孝友待之天姿懷利
器而不施影華纓而漫仕惟邦之桀實爾之孫遂以
維垣厥封康叔之國賁之新冊大開勾踐之疆音徽
不遐尚克嘉此

范成大祕書省正字制

瀛洲英俊之躔也中興以來未有父子踵相躡者爾
學贍而文綽吐美于前以益觀異書以正魚魯之謬

吳摠右朝奉大夫制

西師出塞日闕故畧中禁疏恩用酬茂績爾頃居莫
府辦治文書靡盬夙宵軍行有賴第勞增秩少示寵
光益思竭忠以濟勳闕

邵及之福建運判制

分道置使民之休戚係焉自昔用人或私其黨朕比
下令必對於文陛然後命之蓋敷奏以言明試以功
之意以爾吏能可取治郡有聲予節閩川廷無異論
故使汝便道奏事而然綸不憚於先出也哉吏惠民
轉輸不絕俾七郡無不革之弊乃稱澄清之職

鞏衍大理正制

朕憲法吏吹毛不循三尺棘寺之屬詳於用人爾波
讞之久以文母害其聽獄成思繼平友之美

戶部侍郎朱夏卿父勝非魯國公制

魯人類帝用駢剛於上辛漢代祀天歌朱明之雅樂
朕稽前王之成憲遵烈祖之舊章禹四鄙之多虞變
一陽之大禮先歛中壇之福廣為幽爰之光具官某
名聞華夷功在社稷拜安國步扶日轂於天衢具赫
民瞻應星符於台路有嗣賢之分鼎貳禁密而笞鞭
尉其陟岵之思出此涌泉之澤不改師垣之祿大開
關里之封尚其英靈歆此愍飾

兵部尚書沈介故母莫氏贈碩人制

人子有吹棘之難創鉅痛深頃步不忘哀感惟金革
之事起之于服舍則先王許其變禮蓋移孝為忠不
以家事辭王事也某氏四德兼全六嫔所則相其夫
猶樂羊之室仁其子得鳩鳩之風茲因邊鄙之虞奪
兩執喪之嗣郊丘有需少塞沉憂音徽不遐知有卹

又所生母阮氏贈碩人制

漢文帝以黃龍見成紀始下詔議郊祀禮官曰古者
天子夏親祀上帝於郊迺以四月辛雍祠五時今朕

大前二二二

二二

四五

以邊事展期蓋亦有合於古也某氏其性婉淑其儀
莊靚迺生令子為時顯人從出藩已盡立身之美
冬溫夏清莫酬養志之誠式尉孝思用推愍典母慈
如在尚克享之

盤洲文集卷第二十二



盤洲文集卷第二十三



王之望端明殿學士提舉江州太平興國宮

制

朕圖回治道招顯時髦縱壑相須聚精神於左右墜淵為戒全進退於始終錫此明綸貫于近輔具官某降材足用抱器不群茹古涵今明於先王之術本仁祖義列於君子之林蚤歷通階屢分劇職召節遠來於巴蜀戎旃持摠於江淮言兵體之三章自許興邦之策堅帝意以十事載嘉尊主之忠延繇諫坡遂躡

盤洲文二十三

一

五七

政地異素懷之底績能剽任而有為命其復往視師闕焉久不聞問國人皆曰可去謂尚出於私心臺評以汝為傾殆弗容於公議念股肱之舊弼推體貌之優恩畀以真祠班之祕殿俾遂燕閒之志當無喜愠之容噫孔子失之宰予蓋知人之不易成湯至于帝乙何謀國之皆賢其服寵光尚思報塞

敷文閣待制朱盡左朝議大夫制

三年而計群吏若稽陟典之文祭日不離小官獨減從臣之考茲協銓曹之格實彰名器之公具官某學問淹該詞章典贍右坳書畢馬遷有良史之材西掖

出綸蘇頌為代言之最論思皆本仁義吐茹不以剛柔厄彼讒波夕於炎嶠晚逢更化連命承流撫字不諱其勞循良無媿於古雖奉祠而養氣蓋遷秩之應條其服明綸以暢榮問

韓彥古太府寺丞制

吾以北鄙有豐命爾視先世之部曲以圖上其方略爾奮然願行無避難之色歸奏便殿雍容可觀顧雖攝事郎闈而雉監猶須人也司府之屬俾復其舊往踐厥官則朝有著矣

江淮都督楊存中父震秦國公制

卷之三十三

二

五七

古語云三代之將道家所忌漢世濟忠義則福祿鼎來遠而有耀矣道家之忌豈其然乎且官某弼略傳家盡力邊圉父子死敵名藏金匱天之報施乃在嗣賢父典戟衛受知兩朝以槐衮齊旌而賜真王之履以碧幢黃鉞而顯督府之威茲遇郊釐益光禰廟咸秦之國載徹舊壘英爽不云尚克嘉此

王天覺循資制

兵出西方人百其勇第功行賞小大不遺尔名在轅門戰攻有績進秩一等用示恩榮

王師心知湖州制

朕巡守三吳以若雲爲藩輔疇咨九牧欲召杜之人
材得此良翰諧于僉屬具官某望實高疑材猷碩膚
再登獻納之班獨抗忠嘉之論孟容還制多士想聞
其風山濤執銓人物各爲之目郡章丹綰帥節五移
拔薤本以抑強嚴霜可畏憇棠陰而聽訟白日顯行
凡牧人御衆之方無適直索塗之患茲選吳興之守
孰踰禁密之英賴善政有以撫綏則斯民不復愁歎
往振其職永孚干休

虞允文父棋太子太師制

蜀道文儒之林也在西漢時嚴馬淵雲稟靈江漢擅

聲四海後來仰之如慶雲景星曾未聞父子繼美及
致身鼎輔者我宋勃興異材間出高視前古世載其
英具官某包括群書洋溢嘉聞登名月窟仕不隆振
儲休子舍大其門閭光踐鴻樞兼握政柄聚精會神
景行夔高宮師褒祿制墨未乾茲講神釐復申卹冊
以彰教忠之訓以尉顯親之心沒有知也尚榮享之

周時莫路運判制

蜀道去朝廷幾萬里吏有警郵御史風聞所不及民
有冤枉不能踐理輒又臺省之庭與我仁民而戢吏
者其唯賢部刺史平爾文史足用稱有吏能蜀人也

又嘗治蜀之郡習於蜀之故也握此漕節是必振其職矣

張宗益起復武翼郎充殿前司將官制

朕軫念勤官錄用其後豈無蘇辛父子為時而奮乎爾父山西將種有峻功于胸山我懷英姿拊髀屢歎故奪爾苦廬處以交戟其思報國無忝前人

張子蓋妻封國夫人制

朕考功伐而思虎臣既褒其祿又擢其孤猶以為未也顧其平生忠義不以家為者皆伉儷之賢有以相貳之某氏端肅之行乘明之性稱于宗黨宜其閨門

盤洲下三三

四

三十一

子蓋汗馬邊城嬰疾不壽使爾有未亡之歎而感伊威之詩也茲廣脂封朕以成國庶幾乎右殆之意

薛良朋知臨安府制

尹京之任亦難矣趙張三王擅名於漢後世猶議其明者傷於太察嚴者傷於太猛鮮克有終殆以是乎國家之都上京也尹正者皆輔弼之儲其望崇其權重可以不憚大吏可以不避彊禦懷私者不得而撓之依勢者不得而搖之故其威易立其政易成今暫蹕具中名同而實異責重而勢輕故居之者為尤難爾整煩撥劇裕而不迫接物處事和而有立使節州

靡名震中外靡人不以爾為材也疇咨四岳擢爾大府當官而行思善其後

趙浚江東運副制

都城之外其權重者無出於部刺史百吏之外繼一道之戚休係焉寬則人無所憚蔽則萬事不理猛則澤不下流傲則情不上達傳六六乎過猶不及二者之失等耳爾材而甚健人謂素剛屢乘使輅亦既白首今命汝持江左之節平其心守其局則汝之職舉矣

吳芾吏部侍郎制

朕疇咨輿誦品覈實能與其彈壓都城勞以牒訴之德之事豈若澄清選部振其銓總公平之休幹必務於盡除任弗嫌於數易具官某識邃以敏材周而通并入中臺乃率秋官之屬暨居東省嘗分夕拜之權擇良牧以尹京輟貳卿於司列甫踰月律已播治聲雖稱職可嘉在前孰出其右然審官既闕至今未得其人妙簡周行俾尋故步夫鏡明則塵垢不止衡舉則輕重因遺惟吏姦有鈐制之方則仕進免滯淹之歎益行已試之効用廣無窮之稱

黃鈞國子正關耆孫國子錄制

朕懲省官之非廣翹材之選士貞咸復其舊輔臣
謂爾通經術善屬文西州之英也召對可采列之學
職勉帥以正無負推擇

周用之循資制

朕以慈闈有天地之德顧無以報之日者奉寶冊尊
徽稱辨治之吏序勞進秩爾其一也祇此恩浚思稱
所蒙

鍾世明復直徽猷閣知廬州制

合肥重鎮也新遭兵革之難失其居朕誦鴻鴈之
詩謀方伯之寄命從臣御史公選可勝任者爾翔歷

卷之三十一

六

五乙

中外久有能名薦贖鼎來金言益聞效有起爾龍域
昇爾帥節還爾美職爾其以誠報國以仁撫民以智
守邊以材集事使歸者輻湊閭里熙熙田疇日闢則
諸大夫無失舉之責矣

汪澈端明殿學士知建康制

十國為連莫重高牙之寄兩都相望實兼留鑰之雄
爰出華章式崇舊制具官某量包山藪識並養龜有
貫穿今古之學而尊其所聞有酬酢事物之材而見
於歷試忠臣謂之骨體獨振臺綱執政其猶股肱嘗
參國論制荆襄之額闡銷疆場之外虞以慰叢祠甚

淹遠業茲聽輿人之誦俾還祕殿之班護我日畿鎮
夫天甄惟虎踞龍盤之壤莫府既尊則雞鳴狗盜之
蕪非謀自寢往圖綏撫用副倚毗

姜誥兩浙運判制

王畿千里外臺耳目之選非它道比也以爾久于官
路卓有能名揭節閩川及瓜而代畿曹黼負肆以俞
汝惟明則能察吏蕪惟公則能革衆枉惟勤則能辦
王事毋徇私以干譽毋媚上以害民士目所視可不
勉哉

倪倅太常寺主簿制

世宗卷之二十三

七

三二

簿領雖卑奉常蓋禮樂所自出有列其間則與聞稽
古制作之事它寺不可同年而語也爾強學好脩久
率多士俾造稷嗣益觀所長

錢端禮參知政事兼權知樞密院事制

朕居域中之大以天下爲公念立政之惟艱孰稱前
疑之任儻量材而可倚難拘左戚之嫌書賈籍平人
情典故存於國史具官某學該古訓名著清躔愛時
極飢渴之思致主出忠嘉之縕下玉恢之議終始未
嘗異同成魏絳之功南北以之休息自登右府兼贊
中臺見施置之無私喜規撫之可以都俞契合猶伯

牙之操透鍾典領雍容蓋庖丁則有餘刃其參國秉
共立邦基仍尊帷幄之籌匪專俎豆之事家聲不墜
臣節甚休噫二百載而中天欲顯祖宗之列三十輻
而共轂所資輔弼之良勉奮兩庸以濟于治

虞允文同知樞密院事兼權參知政事制

朕仰承慈訓光紹慶基經武整軍莫重本兵之寄移
風易俗常懷修政之難時有異材助吾上治具官其
學周貫變識緼經綸運堂上之奇兵方顯兼資之略
掃井中之敵國遂成無競之功茲陟宥庭仍禪政路
已見蒼囊之效庸知密勿之長離婁燭千里之隅物
情難隱柳下奮百世之上時望浸高皇副土樞併參
大緯所賴股肱之助無復毫釐之差噫衆賢和於朝
當法臯夔之迹一相處乎內非專周召之權益屬英
規用隆華問

王剛中端明殿學士僉書樞密院事制

國家以得賢爲重人臣以逢時爲榮况登四近之班
實應三階之象惟邦之彥非朕可私具官其誠悃無
華特操不倚學有根柢而抗以高明之識言無枝葉
而發爲典則之文附翼攀鱗蚤從容於宮邸捫參歷
井獨振耀於藩垣趨節召而復來聽履聲而可識虞

夏之書渾渾爾方推禁苑之長伊望之業凜凜平宜
陟籌帷之列所資忠力同起治功噫尊俎可以折衝
蓋茂明於上策股肱其惟執政無專美於前英徃體
至懷奚俟多訓

魏昂魏昌承信郎制

爾父盡忠報國死於行陣恩及存沒不一而足感界
命秩勿墮家聲

胡昉直祕閣知盱眙軍制

邊城新遭戎馬之難勞來凋瘵必惟其人爾少長淮
壩習知風俗寓直中祕超分郡符無輕一障之乘遂

盤洲三三三

九

王乙

魏鴻鴈之雅

魯嘗太常丞周舜元太府丞魯哥封將作丞
制

九寺三監之屬嘗合丞簿為一今還其舊所以開搜
材之路也嘗史科之以達於禮文舜元名卿之子習
於財賦可封學古而仕幹用有稱為官擇人分佐其
長各思盡忠無或有丞

唐輅大理司直制

獄人之司命也吏或巧心析律高下其手使無辜者
遭刑罰豈為民父母之意哉故選儒臣為司直所以

申其枉也常思名官之旨則人無冤矣

龔滂國子正制

褒衣博帶之儒露其穎者咸集于膠庠表正之官未
易居也爾博古知今御曲有譽力行所學用副選掄
祝閔利路運判徐人傑江西提舉常平制

部刺史握澄清之柄動搖山岳震情州縣用匪其人
下則受弊爾閔夙有吏材再任蜀道就持漕餉以饒
王師所以省送往迎來之費也爾人傑儒林之老久
列郎闈俾陟倉臺以臨江右所以徇更迭補外之請
也繩姦擿伏思振六條寬我遠懷時爾之職

盤江之二十三

十

王五

陳輝知廣日刊

番禺爲一都會象犀珠香之湊見者惑之貪泉之
所爲作也遐萌鬲於朝廷連率係其休戚必得文武
威風知大體者迺稱其選以尔老子官途飾以儒術
蘇枯鋤疆勇於去弊旌旗蓋海南伯其尊卑爾重權
用竦報政思濟斯民以稱朕仁不異遠之意

竹友直循資制

日者宿衛置使大開莫府兩名在籍中厥有賞典進
秩之榮國不失信

韓懋曾循資制

國家除戎器以藏武庫嘗下諸郡作甲爾能勤其官
先期趣辦爰進一秩示信賞也

左迪功郎龔摠父紱封右承事郎制

朕以孝治天下推紫壇之澤于有官君子凡給背鯢
齒之老有子列于仕籍者咸得而寵光之爾脩身齊
家旄期稱道義方之訓著于鄉鄰載增命秩以爲爾
桑榆之榮

馬希言大府寺主簿制

石列于朝者 借紳之選况九寺之屬平爾摠領工
巧勞於辨職司府勾稽肆以命汝往欽而長益勤其

卷之二十一

二

五七

官

胡堅常直祕閣知盱眙軍制

盱台新刻於兵數月之間郡將三易遴擇其人將以
徠流亡而通玄市爾贊貳京邑咸謂有材召對便朝
占對可喜寓直藏室畀以虎符能振其職則吾無北
顧之憂矣

洪歲大理司直制

法家者流或用刑定罪安忍深刻失先王仁恕之意
司其直非儒者安歸平爾名父之子顯門擅業往踐
其官必能以古義決疑獄也

袁震循資制

曰者北鄙有豐

茲管視師江上凡扈從之吏無小大畢進其秩爾名在籍中宜受茲賞

李暉降官制

爾掌征商之事課損于常宜在大譴之域又訟其僚驗之無實并按爾罪欲不懲可乎奪官一等省我寬科

朱華孫降官制

爾為縣大夫更有乞取之姦而憎不之覺緡錢會計差舛豈無雀鼠之可疑也寧失不經姑用貶秩服我寬典思善前衍

知贛州趙公稱復直祕閣制

朕慕西漢良吏之盛故信賞必罰循名責實祖述孝宣之政爾頃坐小過失中祕之直既更大責而治聲達于朕聽還爾舊物思所報焉

盤洲文集卷第二十三



瓊兒之印
國珍藏

